



სამედიცინო გაზეთი

თბილისის სახელმწიფო სამედიცინო
უნივერსიტეტის გამომცემი
გამოდის 1957 წლიდან
№ 7 (325) სექტემბერი, 2019 წელი




თბილისის სახელმწიფო სამედიცინო უნივერსიტეტი ღირსია

უნივერსიტეტების რანჟირება ჩარიცხულ სტუდენტთა საშუალო ქულის მიხედვით

შეფასებისა და გამოცდების ეროვნული ცენტრის მიერ გამოქვეყნებული 2019 წლის ერთიანი ეროვნული გამოცდების მონაცემთა საფუძველზე ჩატარებული კვლევის შედეგად ჩარიცხული აბიტურიენტების საკონკურსო ქულების, როგორც საშუალო, ისე მაქსიმალური მაჩვენებლით, თბილისის სახელმწიფო სამედიცინო უნივერსიტეტი პირველ ადგილზე ყველა სამედიცინო მიმართულების პროგრამაზე (მედიცინა, სტომატოლოგია, საზოგადოებრივი ჯანდაცვა, ფიზიკური მედიცინა და რეაბილიტაცია, ფარმაცია, საექთნო საქმე), როგორც სამედიცინო პროფილის უმაღლეს სასწავლებლებში, ისე მრავალპროფილური უნივერსიტეტების სამედიცინო პროგრამებზე ჩარიცხულთა მონაცემების მიხედვით.

გასათვალისწინებელია, რომ თსსუ-ში მინიმალური კომპეტენციის ზღვარი წელს უპრეცედენტოდ მაღალი იყო: დიპლომირებული მედიკოსის პროგრამაზე - 70%+1 საბუნებისმეტყველო საგნებში (ბიოლოგია, ფიზიკა, ქიმია, მათემატიკა) და 65%+1 - ქართულ ენაში და ლიტერატურაში, ზოგად უნარებსა და უცხოურ ენაში, ხოლო დიპლომირებული მედიკოსის ამერიკულ პროგრამაზე, დამატებით - 80%+1 - ინგლისურ ენაში. მიუხედავად ამისა, პირველადი განაცხადების მიხედვით თსსუ ლიდერია საქართველოში აკრედიტებულ ყველა უმაღლეს სასწავლებელს შორის.

საქართველოში აკრედიტებული უმაღლესი სასწავლებლების სამედიცინო პროფილის მიმართულებებზე ჩარიცხულთა მაქსიმალური საკონკურსო ქულა თსსუ-შია დაფიქსირებული.



თბილისის სახელმწიფო სამედიცინო უნივერსიტეტი ჩარიცხულ სტუდენტთა საშუალო ქულის მიხედვით ყველა მიმართულების პროგრამაში (მედიცინა, სტომატოლოგია, ფარმაცია, საზოგადოებრივი ჯანდაცვა, ფიზიკური მედიცინა და რეაბილიტაცია, საექთნო საქმე) ლიდერობს; ასევე, ის ლიდერია პირველადი განაცხადების რაოდენობის მიხედვითაც, რაც კიდევ ერთხელ ადასტურებს, რომ თბილისის სახელმწიფო სამედიცინო უნივერსიტეტი მიმზიდველია სწავლის მსურველთა დიდი ნაწილისთვის, და სწორედ მათთვის, ვისაც უპრეცედენტოდ მაღალი საგამოცდო ბარიერის გადალახვა შეუძლია.

ჩვეულებები არჩევანი



ძვირფასო პირველსემესტრელებო, მინდა მოგილოცოთ ეროვნულ გამოცდებზე მოპოვებული გამარჯვება და თბილისის სახელმწიფო სამედიცინო უნივერსიტეტის მედიცინის ფაკულტეტზე ჩარიცხვა. თქვენ საუკეთესო არჩევანი გააკეთეთ! დიდად ვაფასებ თქვენს გადამწყვეტილებას ამ ურთულესი, მაგრამ მეტად პუმანური და საინტერესო პროფესიის არჩევის გამო. თქვენ აირჩიეთ ექვსწლიანი რთული გზის გავლა კავკასიის რეგიონში ერთ-ერთ ყველაზე გამორჩეულ საგანმანათლებლო ცენტრში. თქვენ მოხვდით გარემოში, სადაც გამოცდილი, მაღალკვალიფიციური პროფესორ-მასწავლებლები დაგეხმარებიან მყარი და საფუძვლიანი ცოდნის შექმნაში.

გახდეთ თბილისის სახელმწიფო სამედიცინო უნივერსიტეტის მედიცინის ფაკულტეტის სტუდენტი, ნიშნავს, წარმატებით გაიარო უაღრესად რთული შერჩევითი კონკურსი აბიტურიენტებს შორის და დაადასტურო, რომ ხარ ნიჭიერი და შრომისმოყვარე.

თქვენ ეს შეძელით და დღეს იწყებთ ცხოვრების ახალ ეტაპს. უნივერსიტეტში სწავლის პერიოდ-

ში უნდა მოახდინოთ საკუთარი თავის რეალიზება, მაქსიმალურად გამოიყენოთ არსებული რესურსები, გახდეთ შემოქმედნი, მოეზადოთ დამოუკიდებელი საქმიანობისთვის და გაუმკლავდეთ გამოწვევებს, როგორც უკვე ზრდასრული პიროვნებები.

ისწავლო მედიცინის ფაკულტეტზე – ეს უკვე პრივილეგიური უფლები პოზიციაა, რაც ასევე ნიშნავს



ვს, ყოველდღიურად იყო ჩაბმული სწავლის მარათონში, რათა ჩამოყალიბდეთ მომზადებულ, კვალიფიციური, კონკურენტუნარიანი ექიმა და მკვლევარი, პიროვნება, რომელიც ყველაფერს გააკეთებს პაციენტის სიცოცხლისა და ჯანმრთელობის გადარჩენად, მუდმივად ზრუნავს მოსახლეობის ჯანმრთელობაზე.

მე, როგორც ფაკულტეტის დეკანი, ვამაყობ იმით, რომ საშუალება გვაქვს შემოგთავაზოთ საუკეთესო საგანმანათლებლო პროგრამები. უნივერსიტეტში თქვენ დაგხვდებათ უმაღლესი დონის აკადემიური პერსონალი, ისარგებლებთ კოლეგიალობის ატმოსფეროთი ერთმანეთთან, პროფესორ-მასწავლებლებთან, ადმინისტრაციასთან. სწავლის პერიოდში

საშუალება გექნებათ, გაიაროთ სტაჟირება ჩვენი უნივერსიტეტისა და მსოფლიოს წამყვანი სამედიცინო სკოლების კლინიკებში.

უნივერსიტეტი, სწავლის გარდა, მრავალფეროვან სტუდენტურ ცხოვრებასაც შემოგთავაზებთ. მჯერა, რომ თქვენ შეგიძლიათ, შემატოთ რაღაც ახალი, საინტერესო და მრავალფეროვანი ჩვენს უმაღლეს სასწავლებელს.

თქვენ, ჩვენი საზოგადოების წევრები, მიიღებთ განათლებას, რომელიც მუდამ განვითარებისა და ტრანსფორმირების პროცესშია. 21-ე საუკუნეში ცოდნის დონე და მნიშვნელობა საზოგადოების აქტუალური პრობლემების თანმხვედრი უნდა იყოს და ახალი ტექნოლოგიების კვლადკვალ უნდა ვითარდებოდეს. შესაბამისად, თითოეული სტუდენტის პიროვნული და ინტელექტუალური პოტენციალის განვითარება მხოლოდ მრავალმხრივი და საფუძვლიანი განათლებით არის შესაძლებელი.

დიდად ვაფასებთ და ვითვალისწინებთ თქვენს გულწრფელ სურვილს, ახლო მომავალში, დაავადებათა პრევენციითა და მკურნალობის თანამედროვე მიდგომებით, გააუმჯობესოთ ადამიანთა ცხოვრება. ამიტომ მოგიწოდებთ, გამოიყენოთ ყველა ის შესაძლებლობა, რასაც ამ მიზნის მისაღწევად თბილისის სახელმწიფო სამედიცინო უნივერსიტეტი გაძლევთ, ნუ დაზოგავთ დროსა და ენერჯიას თქვენი მიზნის მისაღწევად.

ჯანდაცვის სფეროში ყოველდღიურად ვხვდებით გამოწვევებს, რაც ითხოვს ახალ იდეებს, ინტერდისციპლინური პრობლემების გადაწყვეტის უნარს. ექიმი უნდა იყოს კომპეტენტური და თავდაჯერებული, რათა შეასრულოს მრავალფუნქციური და მოთხოვნადი საქმე. ცნობილია, რომ ახალი დრო ახალ რეალობებს გვთავაზობს და ჩვენ თვალსა და გავსწორებით მათ ჩვენი პროფესიონალიზმით.

მჯერა, რომ შემოგვიერთდებით და ჩვენ ერთიანი ძალისხმევით გააუმჯობესებთ ჯანდაცვას 21-ე საუკუნეში.

სიცოცხლე და ჯანმრთელობა ადამიანის უძვირფასესი ღირებულებებია და მათზე ზრუნვა მედიკოსის პროფესიის ხდის საჭიროს, პრესტიჟულს და მნიშვნელოვანს. ექიმები ღირსეულად ასრულებენ თავიანთ კეთილშობილურ მისიას. იმედი მაქვს, მომავალში თქვენ წარმატებულად წარმოაჩენთ ქართული სამედიცინო სკოლის სახელს.

კეთილი იყოს თქვენი გზა თბილისის სახელმწიფო სამედიცინო უნივერსიტეტში.

პროფესორი თინათინ ჩიქოვანი, მედიცინის ფაკულტეტის დეკანი

წინსვლის სანიღარი



სტომატოლოგიის ფაკულტეტი ერთ-ერთი პოპულარული და წარმატებული ფაკულტეტი თბილისის სახელმწიფო სამედიცინო უნივერსიტეტში. ვიმედოვნებ, რომ თქვენი სახით ჩვენს ფაკულტეტს კიდევ ერთი ღირსეული თაობა შეემატა. ჩვენც მზად ვართ, შესაბამისად ვუზაფხობთ თქვენს მოთხოვნებს ცოდნის შექმნასთან დაკავშირებით.

თქვენ მიერ არჩეული ფაკულტეტი გამორჩეულია საამაყო ტრადიციებით და, როგორც მრავალწლიანმა გამოცდილებამ ცხადყო, ექიმი სტომატოლოგის ჩამოსაყალიბებლად გადამწყვეტი მნიშვნელობა ენიჭება კლინიკურ ბაზებს. უნივერსიტეტის ხელმძღვანელობა ძალ-ღონეს არ იშურებს, რომ სასწავლო პროცესი მიმდინარეობდეს თანამედროვე სტანდარტებით ალჭურვილ ძლიერ და გამართულ კლინიკურ ბაზებზე. სწორედ ამის დასტურია მაღალპროფესიული კადრებით დაკომპლექტებული საუნივერსიტეტო სტომატოლოგიური კლინიკები, სადაც სტუდენტებთან პრაქტიკული მეცადინეობა მიმდინარეობს პაციენტების დემონსტრირებით და დიაგნოსტიკისა და მკურნალობის პროცესში მათი მაქსიმალური ჩართულობით.

2010 წლიდან თბილისის სახელმწიფო სამედიცინო უნივერ-

სიტეტში, პირველად სტომატოლოგიის ფაკულტეტზე, დაინერგა ობიექტურად სტრუქტურირებული კლინიკური გამოცდა – OSCE, სადაც ფასდება არა მხოლოდ თეორიული ცოდნა, არამედ სტუდენტის მიერ სწავლის პერიოდში ათვისებული პრაქტიკული უნარ-ჩვევები.

თბილისის სახელმწიფო სამედიცინო უნივერსიტეტში სისტემატურად ჩამოვიდნარ პროფესორები მსოფლიოს სხვადასხვა ქვეყნიდან (გერმანია, დიდი ბრიტანეთი, ბრაზილია, ჩეხეთი, უკრაინა, ლიეტუვა და ა.შ.), რომლებიც სტომატოლოგიის ფაკულტეტის სტუდენტებისთვის კითხულობენ ლექციებს.

ძვირფასო პირველსემესტრელებო, ჩვენ ერთ მიზანს ვემსახურებით: თბილისის სახელმწიფო სამედიცინო უნივერსიტეტის სტომატოლოგიის ფაკულტეტის კურსდამთავრებული იყოს კონკურენტუნარიანი სპეციალისტი, ალჭურვილი ღრმა თეორიული ცოდნით და პრაქტიკული უნარებით, რაც საექიმო საქმიანობაში მისი წარმატების საწინდარია.

პროფესორი სასონ მლაზრიაშვილი, სტომატოლოგიის ფაკულტეტის დეკანი



საერთაშორისო უნივერსიტეტის ქონების



გილოცავთ მნიშვნელოვან წარმატებას



კონტროლისა და საზოგადოებრივი ჯანმრთელობის ეროვნული ცენტრი, გარემოს დაცვისა და სოფლის მეურნეობის სამინისტროს სურსათის ეროვნული სააგენტო, საკუთრების სხვადასხვა ფორმის სამკურნალო-პროფილაქტიკური, სამეცნიერო-კვლევითი და სამრეწველო დაწესებულებები და ორგანიზაციები, რომელთა საქმიანობა დაკავშირებულია მოსახლეობის ჯანმრთელობის დაცვასთან, მათ მომსახურებასთან, მენეჯმენტსა და პროფილაქტიკური ღონისძიებების გატარებასთან.

ბაკალავრებს შეუძლიათ აკადემიური განათლება გაიღონ სამაგისტრო პროგრამებზე. დღევანდელი ფაკულტეტზე აკრედიტებულია 5 სამაგისტრო პროგრამა: „საზოგადოებრივი ჯანდაცვა“, „ეპიდემიოლოგია და გარემოს მედიცინა“, „ჯანმრთელობის ხელშეწყობა, ჯანმრთელობითი განათლება“, „ჯანდაცვის ადმინისტრირება და მენეჯმენტი“, „საზოგადოებრივი ჯანმრთელობის მენეჯმენტი და ჯანდაცვის პოლიტიკა (თსსუ-ისა და უნიმენის (საფრანგეთი) ერთობლივი პროგრამა)“. იგეგმება ახალი სამაგისტრო პროგრამების ამოქმედებაც.

სამაგისტრო პროგრამის დასრულების შემდეგ კურსდამთავრებულს ენიჭება მაგისტრის აკადემიური ხარისხი შესაბამის მიმართულებაში და უფლება აქვს სწავლა გააგრძელოს დოქტორანტურაში, ხოლო დოქტორის აკადემიური ხარისხის მოპოვების შემდეგ, პრაქტიკული საქმიანობის გარდა, შეუძლია ჩაერთოს აკადემიურ და კვლევით აქტივობაში. საზოგადოებრივი ჯანდაცვის ფაკულტეტზე ინტენსიურად მიმდინარეობს სამეცნიერო-კვლევითი საქმიანობა, რომელშიც, აკადემიურ პერსონალთან ერთად, აქტიურად მონაწილეობენ სტუდენტებიც. დარწმუნებული ვარ, ფაკულტეტის აკადემიურ პერსონალთან, პროფესორ-მასწავლებლებთან თქვენი ყოველი შეხვედრა იქნება გულთბილი, დაუვიწყარი, ნამდვილი დღესასწაული. ყოველთვის მომღიმარი, კეთილმოსურნელი შეაბიჯებთ უნივერსიტეტის აუდიტორიებში, სადაც დაგხვდებიან დიდი გამოცდილების, ერუდიციისა და დახმარებისთვის მზადყოფი პედაგოგები. ყოველივე ეს კი იქნება ნებისმიერი საკითხის წარმატებით გადაწყვეტის სანინდარი.

გულწრფელად მიხარია, რომ საშუალება მომეცა, საჯაროდ გამოვხატო ჩვენი საერთო სიხარული, მოგილოცოთ მნიშვნელოვანი წარმატება, რაც დაკავშირებულია თქვენს ჩარიცხვასთან თბილისის სახელმწიფო სამედიცინო უნივერსიტეტში. მინდა გადმოგცეთ პირადად ჩემი და ფაკულტეტის აკადემიური პერსონალის თითოეული წევრის საუკეთესო სურვილები. მცირე მოცულობის წერილში ძნელია ვეროვნად და სრულყოფილად წარმოაჩინო ის სპეციფიკა თუ წარმატებები, რაც საზოგადოებრივი ჯანდაცვის ფაკულტეტს გააჩნია არსებობის მანძილზე.

ფაკულტეტი რვა ათეულ წელზე მეტს ითვლის. ამ ხნის განმავლობაში მომზადდა მრავალი მეცნიერი და სპეციალისტი, რომლებმაც მნიშვნელოვანი წვლილი შეიტანეს ქვეყნის ჯანდაცვის სისტემის ჩამოყალიბებასა და განვითარებაში. მათი წარმატებული მოღვაწეობის შედეგად საქართველოში პრაქტიკულად ლიკვიდირებულია ისეთი დაავადებები (მათ შორის, – დიფთერია, პოლიომიელიტი, მალარია და სხვა), რომლებიც დღესაც პრობლემად რჩება მსოფლიოს ბევრ ქვეყანაში.



ფაკულტეტის ძირითადი ამოცანაა სათანადო კომპეტენციის ბაკალავრების, მაგისტრების, დოქტორების მომზადება, რომლებსაც ექნებათ პროფესიული დახელოვნებისა და ჯანდაცვის სფეროში შესაბამისი ფუნქციის სათანადოდ შესრულების შესაძლებლობა.

კურსდამთავრებულთა დასაქმების სფეროს წარმოადგენს საზოგადოებრივი ჯანმრთელობის დაცვის უზრუნველყოფის სამსახურები, მათ შორის, დაავადებათა

გულითადად გილოცავთ მნიშვნელოვან და თვალსაჩინო წარმატებას. იმედი მაქვს, რომ სწავლის დასრულების შემდეგ, თითოეული თქვენგანი, როგორც ღირსეული მოქალაქე, მეცნიერი და კვალიფიციური სპეციალისტი, კუთვნილ წვლილს შეიტანს დარგისა და ქვეყნის განვითარების ფრიალ მნიშვნელოვან საქმეში.

პროფესორი ირაკლი მჭედლიძე, საზოგადოებრივი ჯანდაცვის ფაკულტეტის დეკანი

წარმატებული მომავლისთვის



კომპეტენციის მქონე, კონკურენტუნარიანი სპეციალისტების აღზრდა. სწორედ აღნიშნულის გათვალისწინებითაა შედგენილი ფარმაციის საბაკალავრო, სამაგისტრო და სადოქტორო პროგრამები, რომელთა განხორციელებაშიც მონაწილეობენ შესაბამისი კვალიფიციისა და კომპეტენციის მქონე პროფესორები, რომლებიც არ დაიშურებენ ცოდნას და გამოცდილებას იმისთვის, რომ თქვენ შეიძინოთ ცოდნა, პრაქტიკული უნარ-ჩვევები და ჩამოყალიბდეთ მაღალკვალიფიციურ სპეციალისტებად.

ბაკალავრიატის დასრულების შემდეგ შეგეძლება, დასაქმდეთ პრაქტიკულ ფარმაციაში ან ცოდნა გაიღწეოთ მაგისტრატურაში ვინაიდან სპეციალობების მიხედვით. ფაკულტეტზე ფუნქციონირებს 4 სამაგისტრო პროგრამა: „კლინიკური ფარმაცია“, „ფარმაციის მენეჯმენტი“, „ფარმაცევტული და კოსმეტოლოგიური ტექნოლოგიები“ და „ფარმაცევტული ანალიზი“. მაგისტრატურის დასრულების შემდეგ, პრაქტიკულ საქმიანობასთან ერთად, შესაძლებელია სწავლის გაგრძელება დოქტორანტურაში, რაც დაგეხმარება აკადემიური და სამეცნიერო-კვლევითი უნარების გაღრმავებაში.

სწავლის მთელი პერიოდის განმავლობაში შეგიძლიათ სტაჟირება გაიაროთ ავთიაქში და იმუშაოთ ფარმაცევტის თანამშრომლის პოზიციაზე, ასევე, ჩაერთოთ უნივერსიტეტის აქტიურ სტუდენტურ ცხოვრებაში და გამოავლინოთ თქვენი შესაძლებლობები. კიდევ ერთხელ გილოცავთ და წარმატებებს გისურვებთ!

პირველსემესტრელებო, გილოცავთ მნიშვნელოვან და დიდ წარმატებას: თქვენ გახდით თბილისის სახელმწიფო სამედიცინო უნივერსიტეტის, ფარმაციის ფაკულტეტის სტუდენტები. იყო ფარმაციის ფაკულტეტის სტუდენტი, დიდი წარმატება და, ამასთანავე, დიდი პასუხისმგებლობაცაა, ვინაიდან ამ არჩევანით თქვენი მომავალი საქმიანობა დაუკავშირეთ საზოგადოებისთვის სასიცოცხლოდ აუცილებელი ბიოლოგიური ღირებულების პროდუქტს – წამალს.

იყო ფარმაცევტი, ნიშნავს „ხალხის სიყვარულით ატარო თეთრი ხალათი და ყოველთვის მზად იყო დასახმარებლად“; მათ, წამალთან ერთად, თქვენგან უნდა წაიღონ იმედი და პოზიტიური განწყობა, ვინაიდან, ჯანდაცვის მსოფლიო ორგანიზაციის განმარტებით, – „ჯანმრთელობა, ეს არის სრული ფიზიკური, გონებრივი და სოციალური კეთილდღეობა“. თქვენ გეძლევათ საუკეთესო შესაძლებლობა შეიძინოთ ცოდნა, შეუქმნათ საკუთარ თავს ბედნიერი/წარმატებული მომავალი და ხალხს მოუტანოთ ჯანმრთელობა და კეთილდღეობა.

ფარმაცია ერთ-ერთი კარგად განვითარებული, სწრაფად ცვალებადი, მომავლის ტექნოლოგიებზე დაფუძნებული დარგია, ამიტომ ძალიან მნიშვნელოვანია თანამედროვე მოთხოვნების შესაბამისი

პროფესორი დალი პარაშვილი, ფარმაციის ფაკულტეტის დეკანი



საყვარელინიჭიერი ქმნილების ქრონიკა



მშვიცა საუბრედი ღირის განვითარებისთვის



ძვირფასო პირველმეცხერელებო, მაქვს პატივი მოგილოცოთ თქვენი ცხოვრების ახალი, განსაკუთრებული ეტაპის დაწყება. თქვენ აირჩიეთ უმნიშვნელოვანესი, რთული და დინამიკური სამედიცინო დარგი, რომლის მიზანია ორგანიზმის ნებისმიერი სისტემის დაავადებით ან დაზიანებით განპირობებული უნარშეზღუდულობის მკურნალობა, ფუნქციის აღდგენა და ცხოვრების ხარისხის გაუმჯობესება.

უახლესი ცოდნის, პრაქტიკული უნარ-ჩვევების და გამოცდილების შექმნაში, რაც მეტად მნიშვნელოვანია პროფესიული კარიერის განმავლობაში, მეცნიერულად დასაბუთებული მეთოდების და ტექნოლოგიების გამოყენებით, რთული კლინიკური პრობლემის ეფექტურად გადაწყვეტის პროცესში.



თქვენ შეიძენთ სამეცნიერო კვლევის უნარ-ჩვევებს და ჩაერთვებით სტუდენტური სამეცნიერო პროექტების განხორციელებაში; თქვენ დაეუფლებით გუნდური მუშაობის პრინციპებს. თანამედროვე ჯანდაცვა სულ უფრო მეტად

სიტუტებთან. ჩვენს ფაკულტეტზე სისტემატურ ხასიათს ატარებს ამერიკელი პროფესორების ვიზიტები და ლექცია-სემინარები, ისევე როგორც ერთობლივი ტელეხიდეები და კონფერენციები. ამასთანავე, ამერიკელი პროფესორები მონეული და აქტიურად ჩართული არიან უნივერსიტეტის ფიზიკური მედიცინის დეპარტამენტის აკადემიურ პროცესში.

მჯერა, მომავალი ოთხი წლის განმავლობაში, ცოდნის გაღრმავებასთან ერთად, გაძლიერდება თქვენი თანადგომა და პასუხისმგებლობის გრძნობა პაციენტის ჯანმრთელობის მდგომარეობის მიმართებით. დარწმუნებული ვარ, თქვენ შორის იქნება ბევრი წარმატებული რეაბილიტოლოგი, რაც მტკიცე საფუძველს შექმნის დარგის განვითარებისთვის.

კიდევ ერთხელ გილოცავთ და გისურვებთ წარმატებებს!

**პროფესორი
ლელა მასხულია,
ფიზიკური მედიცინის და რეაბილიტაციის ფაკულტეტის დეკანი**



საქართველო გუნდის ლინსაული წევრობისთვის



საექთნო საქმის საბაკალავრო პროგრამების პირველმეცხერელების არჩევანი – გახდა ექთანი და გახდა ბებიაქალი, უზრუნველყოფს საქართველოში სამედიცინო პერსონალზე, განსაკუთრებით კი ექთნებსა და ბებიაქალებზე, არსებული მკვეთრი დეფიციტის შევსებას. თქვენი მომავალი პროფესიის გარეშე შეუძლებელია ხარისხიანი სამედიცინო სერვისის განხორციელება. საექიმო საქმიანობა წარმოდგენილია კომპლექსური ექთნის და ბებიაქალის გარეშე. საუნივერსიტეტო განათლება კი გაძლევთ საშუალებას იყოთ წარმატებულნი და კონკურენტუნარიანი.

ბოთ, ამბულატორიული მოვლის საჭიროების გაზრდით და შინმოვლის სერვისის განვითარებით, ყოველივე ეს თქვენს პროფესიას ხდის მოთხოვნადს და პერსპექტიულს. აგრეთვე არ შეიძლება არ აღინიშნოს, რომ თბილისის სახელმწიფო სამედიცინო უნივერსიტეტის ქართულ-ავსტრიული საექთნო საბაკალავრო პროგრამა უნიკალურ შანსს გაძლევთ ამ პროგრამის სტუდენტებს, გერმანული ენის ცოდნის შემთხვევაში, საზაფხულო სტაჟირება გაიაროთ ინსბრუკის საუნივერსიტეტო კლინიკაში.

გლობალური ტენდენციიდან გამომდინარე, თანამედროვე საექთნო საქმე მეცნიერება და ხელოვნებაა, ის მოითხოვს კვლევასა და მტკიცებულებაზე დაფუძნებული პრაქტიკის წარმოებას, ჰუმანიტარული, ფიზიკური, ბიოლოგიური, ქცევითი მეცნიერებების მომცველ სპეციფიკურ საექთნო ცოდნას და უნარ-ჩვევებს, მენეჯმენტის, ლიდერობის და პედაგოგიის ბაზისურ ელემენტებს. სამედიცინო პერსონალზე, განსაკუთრებით კი ექთნებზე, მოთხოვნა მუდმივად გადააჭარბებს მიწოდებას, რაც განპირობებულია სამედიცინო სერვისის მრავალფეროვნე-

ბით, ამბულატორიული მოვლის საჭიროების გაზრდით და შინმოვლის სერვისის განვითარებით, ყოველივე ეს თქვენს პროფესიას ხდის მოთხოვნადს და პერსპექტიულს. აგრეთვე არ შეიძლება არ აღინიშნოს, რომ თბილისის სახელმწიფო სამედიცინო უნივერსიტეტის ქართულ-ავსტრიული საექთნო საბაკალავრო პროგრამა უნიკალურ შანსს გაძლევთ ამ პროგრამის სტუდენტებს, გერმანული ენის ცოდნის შემთხვევაში, საზაფხულო სტაჟირება გაიაროთ ინსბრუკის საუნივერსიტეტო კლინიკაში.

თქვენ სწორი არჩევანი გააკეთეთ. გისურვებთ პროფესიულ ზრდას და დიდ წინსვლას საექთნო საქმიანობაში.

**მადეა ჯღარაკაძე,
პროფესორი პროგრამის
კოორდინატორი**



საუნივერსიტეტო ცხოვრების ქრონიკა



დიპლომირებული მედიკოსის აკრედიტაციის პროგრამა გილოცავთ სტუდენტებს

თბილისის სახელმწიფო სამედიცინო უნივერსიტეტში, ტრადიციულად, ინოვაციური და წარმატებული პროექტები ხორციელდება. 2013-2014 სასწავლო წელს მედიცინის ფაკულტეტზე მნიშვნელოვან საგანმანათლებლო პროგრამას ჩაეყარა საფუძველი. წარმატებით დაინსო დიპლომირებული მედიკოსის ამერიკული პროგრამა, რომელიც ემორის უნივერსიტეტის (აშშ, ატლანტა) მედიცინის სკოლასთან (ESOM) ერთად შემუშავდა.

პროგრამის დაგეგმვასა და იმპლემენტაციაში აქტიურად არიან ჩართულნი ემორის უნივერსიტეტის პროფესორები და ადმინისტრაციის წარმომადგენლები: ემორის მედიცინის სკოლის დეკანი ვიკას სუხათმი, ვიცე-დეკანი სამედიცინო განათლების სფეროში, სამედიცინო მიკრობიოლოგიისა და იმუნოლოგიის პროფესორი გორდონ ჩერჩორდი, „გახდი ექიმის“ კურსის ხელმძღვანელი, ონკოლოგიის პროფესორი მერი ჯო ლეკოვიჩი, ასოცირებული დეკანი ჯოელ ფელნერი და სხვები. ისინი ხშირად სტუმრობენ საქართველოს და მუშაობენ უნივერსიტეტის აკადემიურ პერსონალსა და სტუდენტებთან.

ორმხრივი ურთიერთობის ფარგლებში, პროგრამის სპეციფიკის ადგილზე გასაცნობად და შესაბამისი მეთოდოლოგიის ასათვისებლად მუდმივად ხორციელდება პროგრამაში ჩართული აკადემიური პერსონალის ემორის მედიცინის სკოლაში ვიზიტი.

სწავლის დასრულების შემდეგ კურსდამთავრებულს ენიჭება დიპლომირებული მედიკოსის აკადემიური ხარისხი (MD). წარჩინებულ სტუდენტებს საშუალება ეძლევათ სწავლის, კვლევისა და პრაქტიკული საქმიანობის გარკვეული ეტაპები გაიარონ ემორის უნივერსიტეტში.

აღსანიშნავია, რომ თბილისის სახელმწიფო სამედიცინო უნივერსიტეტის კურსდამთავრებულებს ყოველთვის ჰქონდათ აშშ-ის და სხვა საერთაშორისო სალიცენზიო გამოცდების ჩაბარების შესაძლებლობა, თუმცა, საამისოდ ისინი დამატებით მომზადდებიან საჭიროებდნენ. დიპლომირებული მედიკოსის ამერიკულ პროგრამაში კი სალიცენზიო გამოცდებისთვის მზადდება და მისი ჩაბარება თავიდანვე განსაზღვრული და ხელშეწყობილია. სწავლის პერიოდშივე ამერიკის შერჩეული შტატების სამედიცინო სალიცენზიო გამოცდების (United State Medical Licencing Examination – USMLE) წარმატებით ჩაბარება დიპლომირებულ მედიკოსს საშუალებას აძლევს, დიპლომის შემდეგ მუშაობა და სპეციალური პროფესიული მზადება გაიაროს როგორც საქართველოში, ისე მის საზღვრებს გარეთ (მათ შორის, აშშ-ში).

2017 და 2018 წელს დიპლომირებული მედიკოსის ამერიკული პროგრამის პირველი მიღების სტუდენტებმა ამერიკის შერჩეული შტატების სამედიცინო სალიცენზიო გამოცდების პირველი და მეორე ეტაპები წარმატებით ჩააბარეს. პროგრამის პირველმა კურსდამთავრებულებმა და მეშვიდე-მეათე სემესტრების სტუდენტებმა, მათ შორის ნოდარ მაისურაძემ, თამარ თამარაშვილმა, ნიკოლოზ ბოსტამვილმა, ფეტიჰა ონალმა, აარონ იდიქულა კურიანმა, ედვინ ჯოანე ტრიშიამ, თეონა ფირცხალავამ, დანიელა ფოსტერმა, სოფო გოგამი, ნიკოლოზ თავებერიძემ, აჯაი პრანაი შამპა, თამარ შამპიძემ, ნიკოლოზ ქარაზანაშვილმა, ლეონ მარტის ნიგელმა, აბივარმა ჩანდრაკუმარანმა, ოსმან სბავიმ, ვალიდ ბუტიმ, საიდ სალიმ იუსუფმა, გეგა თოდუამ, ლეკვა კართიკინიანმა, რომან კა-



რაგულიანმა, სუხვირ სინგმა, პარო ნარემ ბპაიამ USMLE-ის პირველი გამოცდის საფეხური წარმატებით ჩააბარეს. ამასთან, ნოდარ მაისურაძემ და თამარ თამარაშვილმა წარმატებით ჩააბარეს USMLE-ის მეორე საფეხურის მეორე ნაწილიც (USMLE STEP 2 CS), ხოლო სოფიკო გოგამი და აჯაი პრანაი შამპა - აშშ სამედიცინო სალიცენზიო გამოცდის მეორე საფეხურის პირველი (USMLE STEP 2 CK) გამოცდა. ეს წარმატებული შედეგი თბილისის სახელმწიფო სამედიცინო უნივერსიტეტის აღნიშნულ სტუდენტებს, დიპლომირებული მედიკოსის ამერიკული პროგრამის დასრულების შემდეგ, არჩეული სპეციალობით აშშ-ში რეზიდენტურაში სწავლის გაგრძელებაში დაეხმარება. ჩვენმა სტუდენტებმა USMLE-ის პირველი და მეორე გამოცდის პირველი ნაწილის ჩაბარებით და მაჩვენებელი დაამტკიცეს, რომ თბილისის სახელმწიფო სამედიცინო უნივერსიტეტის დიპლომირებული მედიკოსის ამერიკული პროგრამა შესანიშნავად ამზადებს სტუდენტებს ამერიკის შერჩეული შტატების სამედიცინო სალიცენზიო გამოცდის წარმოდგენილი შედეგების მისაღწევად. თსსუ და ემორის უნივერსიტეტის მედიცინის სკოლა ამაცხობს მიღწეული შედეგით!

პროგრამა ითვალისწინებს სამედიცინო საბაზისო, პრეკლინიკურ და კლინიკურ დისციპლინების სრულ ინტეგრაციას. ასეთი სახის სწავლებას აქვს სხვადასხვა სარგებელი: ერთი მხრივ, საბაზისო საგნები ისწავლება კლინიკურ დისციპლინებთან ერთად, რაც სტუდენტს აძლევს მოტივაციას ბაზისური მედიცინის შესწავლისთვის. ინტეგრირებული სწავლების ერთ-ერთი მახასიათებელია საბაზისო საგნების შესწავლისას კლინიკური შემთხვევების (პაციენტის, სიმულირებული პაციენტის და კლინიკური შემთხვევის) ე.წ. ქეისის სახით უხვად დემონსტრირება. სწავლების პროცესში აქტიურად გამოიყენება თანამედროვე სწავლების მეთოდები: პრობლემაზე და შემთხვევაზე დაფუძნებული სწავლება, ასევე, მტკიცებულებებზე დაფუძნებული მედიცინის სწავლება, შემთხვევის დემონსტრაცია ავადმყოფის/სიმულაციური ავადმყოფის მონაწილეობით და სხვადასხვა პროფილის მულტიდისციპლინური გუნდის აქტიური ჩართულობით. ასეთი სახის სწავლების ერთ-ერთი ძირითადი მიზანია სტუდენტის მიერ დამოუკიდებელი სწავლებისა და აზროვნების უნარ-ჩვევების განვითარება, რაც კურსდამთავრებულს ძალზე გამოადგება დიპლომის შემდეგ პერიოდში მთელი სიცოცხლის მანძილზე. საქარ-

თველოსთვის ინოვაციური კლინიკური სწავლებების – „კლერკშიფის“ ამერიკული მოდელის დანერგვა დიპლომირებული მედიკოსის ამერიკულ პროგრამაში 2016-2017 სასწავლო წლიდან დაიწყო.

სტუდენტები, სწავლის პირველ ეტაპზე, ბაზისურ ბიოსამედიცინო საგნებთან ერთად, შეისწავლიან ჰუმანიტარულ მეცნიერებებს, როგორცაა: სოციალურ-კულტურული და სამედიცინო ანთროპოლოგია, ცივილიზაციების ისტორია, ხელოვნების ისტორია, ფილოსოფია, ფსიქოლოგია, მსოფლიო ლიტერატურა - ეს სასწავლო კურსები ამდიდრებს სტუდენტის ცოდნას და აძლევს მას მრავალმხრივ განათლებას. გარდა ამისა, ამერიკული პროგრამის კურიკულუმი მოიცავს მეტად საინტერესო სასწავლო კურსს - „გახდი ექიმი“, რომელიც 6 წლის მანძილზე თან სდევს კურიკულუმს და სტუდენტებს სწავლების პირველივე წლიდან ამზადებს კლინიკური პრაქტიკისთვის; კურსი ითვალისწინებს კლინიკურ გარემოში (თსსუ-ის კლინიკურ უნარ-ჩვევებისა და სიმულაციის ცენტრში, ამბულატორიებსა და საუნივერსიტეტო და აფილირებულ კლინიკებში) ზოგადი საექიმო უნარ-ჩვევებისა და კლინიკური აზროვნების ჩამოყალიბებას.

სწავლების პროცესში აქტიურად არის ჩართული პროფესორ-მასწავლებლისა და სტუდენტებისგან შემდგარი სამუშაო ჯგუფი, ე.წ. კურიკულუმის კომიტეტი, რომელიც პერიოდულად განიხილავს როგორც მიმდინარე, ისე პროგრამის მომავალი განვითარების საკითხებს.

„ზაფხული ემორიში“ და „ზამთარი ემორიში“ – ასე ჰქვია სამკვირიან პროგრამებს, რომელსაც თსსუ და ემორის მედიცინის სკოლა სთავაზობს თსსუ-ის ამერიკული პროგრამის სტუდენტებს მეორე სემესტრის დასრულებისას. ამერიკული სამედიცინო განათლებისა და ჯანდაცვის სისტემის უშუალოდ გაცნობის მიზნით, ყოველწლიურად ემორის პროგრამის 40-მდე სტუდენტი სტუმრობს. აღნიშნული პროგრამა 6 წლის მანძილზე ტრადიციად იქცა.

ძალიან სასიხარულოა, რომ თსსუ-სა და ემორის მედიცინის სკოლას შორის დადებული ორმხრივი შეთანხმება ითვალისწინებს კლინიკური სწავლების წლებში ჩვენი სტუდენტებისთვის ემორიში კლინიკური როტაციების გავლის საშუალებას. გარდა ამისა, ურთიერთშეთანხმება საშუალებას აძლევს ემორის უნივერსიტეტის სამედიცინო სკოლის სტუდენტს კლინიკური როტაცია გაიაროს არა მხოლოდ ემორის უნივერსიტეტში, არამედ

მის პარტნიორ უნივერსიტეტებში.

კვლევითი კომპონენტი აღნიშნული პროგრამის ერთ-ერთი მნიშვნელოვანი რგოლია. აღსანიშნავია, რომ 2016 წლის გაზაფხულზე თბილისის სახელმწიფო სამედიცინო უნივერსიტეტმა და აშშ-ის ვოლტერ რიდის არმიის კვლევითი ინსტიტუტის (WRAIR) საქართველოს წარმომადგენლებს შორის გაფორმდა მემორანდუმი. ზემოხსენებული დანესებულება განთავსებულია რიჩარდ ლუგარის სახელობის საზოგადოებრივი ჯანდაცვის ცენტრალური რეფერალური ლაბორატორიის ცენტრში. პროექტის ფარგლებში განხორციელებული თანამშრომლობით ვოლტერ რიდის არმიის კვლევითი ინსტიტუტი მნიშვნელოვან წვლილს შეიტანს ქართული სამედიცინო განათლების და სამეცნიერო კადრების მომზადების საქმეში, უპირველესად, ამერიკული პროგრამის ფარგლებში.

ჩვენს პროგრამაში ტრადიციად იქცა „თეთრი ხალათების ცერემონია“ – ასე ეგვბეზინ და გზას ულოცავენ ამერიკული პროგრამის პირველსემესტრელებს არა მხოლოდ უნივერსიტეტისა და პროგრამის ადმინისტრაციის, არამედ პროგრამის მუდმივი მხარდამჭერები, მათ შორის, საქართველოში ამერიკის შერჩეული შტატების საელჩოს, საქართველოში ვოლტერ რიდის სამეცნიერო ცენტრის, ემორის უნივერსიტეტის წარმომადგენლები და სხვა მონვენული სტუმრები.

მოხარული ვართ, გაცნობოთ, რომ 2019 წლის 7 ივნისს თსსუ-ში დიპლომირებული მედიკოსის ამერიკული პროგრამის პირველი მიღების სტუდენტების გამოსაშვები ცერემონია შედგა. ეს მნიშვნელოვანი დღე, თსსუ-ის პროფესორ-მასწავლებლებსა და ადმინისტრაციასთან ერთად, კურსდამთავრებულებს ემორის უნივერსიტეტის პროფესორ-მასწავლებლებმა, კურსდამთავრებულების მშობლებმა, თსსუ-ის სხვა ფაკულტეტების სტუდენტებმა და ცერემონიის საგანგებო სტუმარმა, ამერიკის ეროვნული საკალათბურთო ასოციაციის ორგზის ჩემპიონმა, ზაზა ფაჩულიამ, მიულოცეს. გამოსაშვები ცერემონიის განმავლობაში თბილისის სახელმწიფო სამედიცინო უნივერსიტეტის რექტორმა, პროფესორმა ზურაბ ვადაჭკორიამ, ზაზა ფაჩულიასთან ერთად, სტუდენტები გამოსაშვები მანტიების სიმბოლური ყელსახვევებით შემოსა და დიპლომები გადასცა. პროგრამის დასრულებისას გამოსაშვები სტუდენტების მანტიებით შემოსვა ამიერიდან დიპლომირებული მედიკოსის ამერიკული პროგრამის კიდევ ერთ ტრადიციად დამკვიდრდა. პროგრამას პირველი მიღებდან შვიდი კურსდამთავრებული ჰყავს: ნოდარ მაისურაძე, ქეთევან ობოლაშვილი, სოფიკო გიგოლაშვილი, ემანუელ სონია, ნიკოლოზ ბოსტამვილი, თამარ თამარაშვილი და ფეტი ონალი.

საქართველო, აშშ, ინდოეთი, შრი-ლანკა, არაბეთის გაერთიანებული ემირატები, ისრაელი, ბრაზილია, სამხრეთ კორეა, – ეს იმ ქვეყნების ჩამონათვალია, რომელთა წარმომადგენლებიც ჩვენი პროგრამის სტუდენტები არიან.

გილოცავთ! 2019-2020 სასწავლო წელს თქვენ შეუერთდით უძლიერეს ჯგუფს დიდი პერსპექტივით. გისურვებთ, წარმატებით გველოთ ამ გზაზე!

არჩილ უნილაშვილი,
თსსუ-ის დიპლომირებული მედიკოსის
ამერიკული პროგრამის ხელმძღვანელი;
ემორის უნივერსიტეტის მედიცინის
სკოლის საგანმანათლებლო პროგრამის
დირექტორი

საინჟინერო-ტექნიკური უნივერსიტეტის ქიმიისა და ბიოქიმიის ფაკულტეტი



საერთაშორისო უნივერსიტეტის ღვაწი

საერთაშორისო უნივერსიტეტის დე-პარტამენტი თბილისის სახელმწიფო სამედიცინო უნივერსიტეტის ერთ-ერთი მნიშვნელოვანი სტრუქტურული ერთეულია, რომლის ძირითადი მიზანია უნივერსიტეტის ინტერნაციონალიზაციის პროცესის ხელშეწყობა, რაც გულისხმობს საერთაშორისო უნივერსიტეტის განვითარებას გლობალური მასშტაბით.

სამედიცინო უნივერსიტეტში ინგლისურენოვან საგანმანათლებლო პროგრამებს განვითარების ოცნებაზე მეტი ხნის ისტორია აქვს. უცხო ქვეყნის მოქალაქეები ინგლისურ ენაზე განათლებას იღებენ: 1996 წლიდან – მედიცინის ფაკულტეტზე; 2008 წლიდან – ფიზიკური მედიცინისა და რეაბილიტაციის ფაკულტეტზე; 2013 წლიდან – ფარმაციის ფაკულტეტზე; 2017 წლიდან – სტომატოლოგიის ფაკულტეტზე. 2012 წლიდან – მედიცინისა და სტომატოლოგიის ფაკულტეტებზე უცხოეთის მოქალაქეებისთვის დიპლომირებული მედიკოსის და დიპლომირებული სტომატოლოგის რუსულენოვანი პროგრამები ამოქმედდა.

2018 წლიდან მედიცინის ფაკულტეტს გამოეყო და ცალკე ჩამოყალიბდა მედიცინის საერთაშორისო ფაკულტეტი, ინგლისური და რუსულენოვანი პროგრამებით.

ამჟამად თსსუ-ში 2400-ზე მეტი უცხოელი სტუდენტი სწავლობს მსოფლიოს 71 ქვეყნიდან, მათ შორის: ინდოეთიდან, შრი-ლანკიდან, თურქეთიდან, ევროკავშირის ქვეყნებიდან, აშშ-დან, კანადაიდან, ისრაელიდან, ნიგერიიდან, ერაყიდან, ავსტრალიიდან, ცენტრალური ამერიკიდან და სხვ.

2012 წელს საზოგადოებრივი ჯანდაცვის ფაკულტეტზე გაიხსნა და აქტიურად ვითარდება საბაკალავრო პროგრამა – „საზოგადოებრივი ჯანდაცვა და მენეჯმენტი“, რომელიც შემუშავდა გრენობლის (საფრანგეთი) მენეჯმენტისა და ალსრულეების აკადემიასთან (UniMan) ერთობლივად. პროგრამის დასრულების შემდგომ გაიცემა ორმაგი დიპლომი – ქართული და ფრანგული, რაც კურსდამთავრებულთა დასაქმების და სწავლის გაგრძელების არეალს აფართოებს და მიმზიდველს ხდის. 2015 წლიდან თბილისის სახელმწიფო სამედიცინო უნივერსიტეტისა და UniMan-ის ძალისხმევით, საზოგადოებრივი ჯანდაცვის ფაკულტეტზე შეიქმნა ერთობლივი საერთაშორისო ინგლისურენოვანი სამაგისტრო პროგრამა – „საზოგადოებრივი ჯანმრთელობის მენეჯმენტი და ჯანდაცვის პოლიტიკა“.



2013 წელს თბილისის სახელმწიფო სამედიცინო უნივერსიტეტში ამოქმედდა დიპლომირებული მედიკოსის ამერიკული პროგრამა, რომელიც შემუშავდა და განხორციელდა ემორის უნივერსიტეტის (აშშ, ატლანტა) მედიცინის სკოლასთან ერთად.



ტიროლის კლინიკების გაერთიანების დასავლეთის საგანმანათლებლო ცენტრს – AZW და თბილისის სახელმწიფო სამედიცინო უნივერსიტეტს შორის გაფორმებული ხელშეკრულების საფუძველზე, 2015 წელს ამოქმედდა საგანმანათლებლო პროგრამა ექთნებისთვის, რომელიც ქართველ ექთნებს საშუალებას აძლევს სტაჟირება გაიარონ და საერთაშორისო გამოცდილება მიიღონ ავსტრიის კლინიკებში.

თბილისის სახელმწიფო სამედიცინო უნივერსიტეტი სრულფუნქციონირებელია წვერიის შემდეგი საერთაშორისო ორგანიზაციებისა და ასოციაციების:

- ევროპის უნივერსიტეტთა ასოციაცია - EUA;
- უნივერსიტეტთა დიდი ქარტია - Magna Charta Universitatum;
- სამედიცინო განათლების საერთაშორისო ასოციაცია – AMEE;
- უნივერსიტეტთა პრეზიდენტების საერთაშორისო ასო-

- ციაცია – IAUP;
- ევროპის მედიკოს სტუდენტთა ასოციაცია – EMSA;
- მედიკოს სტუდენტთა ასოციაციების საერთაშორისო ფედერაცია – IFMSA;
- უმაღლესი სამედიცინო ინსტიტუტების და ფიზიკური განათლებისა და სპორტის ინსტიტუტების საერთაშორისო სამეცნიერო-საგანმანათლებლო ინოვაციურ-ტექნოლოგიური კონსორციუმი.

თბილისის სახელმწიფო სამედიცინო უნივერსიტეტი მჭიდროდ თანამშრომლობს შემდეგ ორგანიზაციებთან:

- ჯანდაცვის მსოფლიო ორგანიზაცია – WHO;
 - სამედიცინო განათლების მსოფლიო ფედერაცია – WFME;
 - უცხოელ სამედიცინო კურსდამთავრებულთა საგანმანათლებლო კომისია - ECFMG;
 - ოქსფორდის აკადემიური კავშირი –ACADEMIC UNION OXFORD;
 - გერმანიის აკადემიური გაცვლის სამსახური – DAAD;
 - ამერიკის შეერთებული შტატების საერთაშორისო განვითარების სააგენტო - USAID;
 - გაერთიანებული ერების ორგანიზაციის მოსახლეობის ფონდი – UNFPA;
 - ქირურგთა, გასტროენტეროლოგთა და ონკოლოგთა საერთაშორისო ასოციაცია – IASGO;
 - ამერიკულ-ავსტრიული ფონდი/ლია სამედიცინო ინსტიტუტი – AAF/OMI;
 - დაავადებათა კონტროლის ცენტრები – CDC;
 - ჯანდაცვის სკოლების ასოციაცია ევროპის რეგიონში – ASPHER.
- ამჟამად თსსუ-ის პარტნიორია 120-ზე მეტი უნივერსიტეტი და საუნივერსიტეტო კლინიკა მსოფლიოს 40-ზე მეტი ქვეყნი-

დან; მათთან თანამშრომლობა რეგულირდება ორმხრივი ხელშეკრულებებით და/ან ერთობლივი საერთაშორისო პროექტებით (ERASMUS +, MEVLANA, HORIZON 2020).

ზემოაღნიშნული პროგრამებით ყოველწლიურად უნივერსიტეტის 300-ზე მეტი სტუდენტი, რეზიდენტი, აკადემიური და ადმინისტრაციული პერსონალი მონაწილეობს მოკლე თუ გრძელვადიან მობილობის პროგრამებში განათლების დიპლომამდელ, სამაგისტრო და სადოქტორო საფეხურებზე.

თბილისის სახელმწიფო სამედიცინო უნივერსიტეტი შეტანილია WHO-ის საერთაშორისო დირექტორიაში, რაც საშუალებას აძლევს კურსდამთავრებულებს შესაბამისი სალიცენზიო გამოცდის/სკრინინგ-ტესტის ჩაბარების შემდეგ (USMLE, PLAB, YOK და სხვ.) დასაქმდნენ ნებისმიერ ქვეყანაში.

2012-2018 წლებში სამედიცინო უნივერსიტეტში წარმატებით ხორციელდებოდა პროგრამა, რომელიც გულისხმობს აშშ-ის, ევროკავშირის ქვეყნების, დიდი ბრიტანეთის, თურქეთის, ისრაელის უნივერსიტეტების წამყვანი პროფესორების მოწვევას. ამ პროგრამის ფარგლებში ამ პერიოდში სამედიცინო უნივერსიტეტში უცხოელი პროფესორების 500-ზე მეტი ვიზიტი განხორციელდა. ვიზიტის ფარგლებში პროფესორებმა წაიკითხეს თემატური ლექციები საბაზისო და კლინიკური მედიცინის სხვადასხვა დარგში, ჩაატარეს კონსულტაციები და საქველმოქმედო ოპერაციები თსსუ-ის საუნივერსიტეტო კლინიკებში.


აღსანიშნავია, აგრეთვე, რომ 2019 წლის მაისში თბილისის სახელმწიფო სამედიცინო უნივერსიტეტში გაიხსნა AMEE-ის საერთაშორისო თანამშრომლობის ცენტრი, რომელიც მსოფლიოში მესამე ცენტრია და უმნიშვნელოვანესი ნაბიჯია ევროპულ საგანმანათლებლო სივრცეში ინტეგრაციის გაზაზე.

საინტერესო და დინამიური საგანმანათლებლო პროგრამები, კვალიფიციური პროფესორთა, ეფექტური მენეჯმენტი, განათლებისა და საქმიანობის ინტერნაციონალიზაციის მაღალი სტანდარტი, თანამედროვე საგანმანათლებლო-კვლევითი ინფრასტრუქტურა საერთაშორისო ასპარეზზე თბილისის სახელმწიფო სამედიცინო უნივერსიტეტის მზარდი წარმატების განმსაზღვრელია.

თინათინ კილასონია, საერთაშორისო უნივერსიტეტის დეპარტამენტის უფროსი



საინჟინერო-ტექნიკური ქიმიკების ქრონიკა



თვითმმართველობა თითოეული თქვენგანის გვერდით



სასწავლო წლის დაწყების პირველ დღეს განსაკუთრებით პირველსემესტრელებს ვულოცავ, რომელთა ცხოვრებაშიც ახალი, საუკეთესო ეტაპი დაიწყო. მოხარული ვარ, რომ თქვენ თბილისის სახელმწიფო სამედიცინო უნივერსიტეტი აირჩიეთ, მინდა მოგილოცოთ და დაგარწმუნოთ, რომ ეს წლები იქნება საველე ყველაზე თბილი და ბედნიერი მოგონებებით.

თბილისის სახელმწიფო სამედიცინო უნივერსიტეტი შრომისმოყვარე, მიზანდასახული სტუდენტებით სავსე გარემოა, სადაც, ქართველ სტუდენტებთან ერთად, დაუმეგობრდებით და პროფესიულ კავშირებს დაამყარებთ უცხოელ სტუდენტებთან. თქვენ

შეიძენთ ყველაზე ღირებულ კონტაქტებს, რაც იქნება გარანტი თქვენი პროფესიული თუ საზოგადოებრივი ცხოვრების უპირობო წარმატებისა.

სწავლის წლები სირთულეების გარეშე წარმოუდგენელია, თუმცა, ყველაზე ტკბილი ნაყოფი დიდი შრომის შედეგად მიიღწევა. სტუდენტური თვითმმართველობა მზადაა, ყველა პირობა შეგიქმნათ არა მხოლოდ ცოდნის მისაღებად, არამედ საინტერესო სტუდენტური ცხოვრებისთვის. აქ ყველაფერი კეთდება, რომ მაქსიმალურად მოახდინოთ საკუთარი შესაძლებლობების რეალიზება.

სტუდენტური თვითმმართველობის გუნდი ყოველთვის

მიესალმება ახალ იდეებს, ახალ წევრებს, ახალ ურთიერთობებს. გისურვებთ ღირსეულად გეტარებინოთ თბილისის სახელმწიფო სამედიცინო უნივერსიტეტის სტუდენტის სტატუსი! კეთილი იყოს თქვენი მობრძანება!

ანა კაკაბაძე,
თბილისის სახელმწიფო
სამედიცინო უნივერსიტეტის
სტუდენტური თვითმმართველობის
პრეზიდენტი



თეატრის მოყვარულებს „ჰიგია“ გვლით!



თბილისის სახელმწიფო სამედიცინო უნივერსიტეტის კულტურის ცენტრთან არსებული თეატრი „ჰიგია“ არსებობის 18 წელს ითვლის და მაცურებლის განსაკუთრებული სიყვარულით სარგებლობს. იგი ისევე აღაფრთოვანებს მაცურებელს ქვეყნის გარეთ, როგორც სამშობლოში:

არაერთი პრემიერა, აღიარება პრესტიჟულ თეატრალურ ფესტივალებზე, მნიშვნელოვანი წარმატება უცხოეთში... 2017 წელს, საერთაშორისო თეატრალურ ფესტივალზე მონაკოში, „ჰიგიას“ მიერ წარმოდგენილმა სპექტაკლმა დიდი შთაბეჭდილება მოახდინა მაცურებელზე და

„ქეთო და კოტე“ საუკეთესო სპექტაკლად დასახელდა.

აღსანიშნავია, რომ თეატრის რეჟისორის, თსსუ-ის ასოცირებული პროფესორის, ნათია გუჯაბიძის, ინიციატივით, 2011 წელს „მოყვარულ სტუდენტურ თეატრთა საერთაშორისო ფესტივალი „ნილაბი“ დაარსდა, რომლის მასპინძელიც, ტრადიციულად, თბილისის სახელმწიფო სამედიცინო უნივერსიტეტი. აღნიშნულ ფესტივალზეც „ჰიგიას“ წარმატებები თვალსაჩინოა და ყოველწლიურად იგი არაერთ ნომინაციაში გამარჯვებულად ცხადდება.

აღსანიშნავია, რომ 2018 წელს, „ჰიგიას“, საქართველოს თეატრის კრიტიკოსთა გადამწყვეტილებით, „სახალხო თეატრის“ ნოდება მიენიჭა. ახალი სასწავლო წლიდან, ახალი თაობით შევსებული დასი, გვჯერა, კვლავ არაერთი წარმატებით გაახარებს მაცურებელს.

პირველსემესტრიათა საყურადღებო!

თბილისის სახელმწიფო სამედიცინო უნივერსიტეტში მოქმედებს კულტურის და სპორტის ცენტრები, სადაც შესაძლებლობა გექნებათ სრულად გამოავლინოთ შემოქმედებითი ნიჭი და სპორტული შესაძლებლობები სხვადასხვა მიმართულებით.

კულტურის ცენტრთან ფუნქციობს:

1. სიმღერის და ცეკვის სახალხო ანსამბლი - ქორეოგრაფიული ჯგუფი, მომღერალ ვაჟთა გუნდი, ხალხურ საკრავთა ჯგუფი;
2. გოგონათა ტრადიციული მუსიკის ანსამბლი – „დეკა“;
3. დრამატული თეატრი „ჰიგია“;
4. თანამედროვე სამეჯლისო ცეკვების ანსამბლი – „ვეგა“;
5. კლასიკური მუსიკის ჯგუფი;
6. საესტრადო ჯგუფი.

სპორტული სექციები:

- კალათბურთი;
- მინი-ფეხბურთი;
- ფუტსალი;
- მაგიდის ჩოგბურთი;
- ფრენბურთი (გოგონები, ვაჟები);
- ჭადრაკი;
- ძალისმიერი სამჭიდი, მკლავჭიდი.
- ბადმინტონი;
- რაგბი;
- ამასთან, სტუდენტების აქტიური დასვენებისა და სპორტული ცხოვრების განუყოფელი ნაწილია უახლესი ტექნიკით აღჭურვილი საკაოლ ვრცელი (500მ²) ტრენაუორების დარბაზი.
- დაინტერესებულმა სტუდენტებმა მიმართეთ თსსუ-ის კულტურის ცენტრს:
- თსსუ-ის მე-3 კორპუსი, მე-3 სართული;
- ტელ: 2 54 25 36 / 599 57 92 69 ელ. ფოსტა: culturecenter@tsmu.edu
- სპორტის ცენტრს:
- მე-3 კორპუსი, I სართული;
- ტელ: 2 54 25 33; 2 54 25 32; ელ.ფოსტა: Z.phkhaladze@tsmu.edu

საყურადღებო ცხოვრების ქრონიკა



„სამედიცინო გაზეთის“ რედაქცია ვაჟა-ფშაველას გამზირი №33, ოთახი №600, ტ.: 254-24-64

რედაქტორი ლელა მუკბანიანი

კორესპონდენტები: მანანა ფხალაძე ტ.:555 29 98 27 დარეჯან კომლაძე ტ.:558 17 08 47 ნატო ბოლქვაძე ტ.:555 28 28 97

ელ-ფოსტა newspaper@tsmu.edu